

T 3223/1432.81

2



建寧府志卷之四

山川

閩中山皆北來水皆南去與江浙異建擅名勝之  
區其山高以峭其水駛以清競秀爭奇不減會稽  
道上或以容山皆聳故占籍者多去水有聲故久  
積者寡形家之言未爲無據水利北方爲渠南僅  
曰陂漑田不過千頃今廢堰已多猶存舊迹亦以  
見田功之重焉志山川

山川上

附水利

哈佛大學漢和  
圖書館珍藏印



建安縣

黃華山在府治東北秀麗為一郡之最寰宇記云劉  
宋元嘉初太守華瑾之徙郡治於此山之西麓宋  
建炎初韓世忠討范汝為屯兵其至上元至正末左  
丞阮德柔因陳友諒入寇築城於山頂下接舊城明  
洪武十九年都指揮時禹拓而廣之包此山於城  
中永樂間郡人嘗於山頂建樓後廢宏治六年副  
使楊澤重建有記又廢嘉靖六年僉事伍希周重  
建十三年燬十七年僉事汪佃開故址復建扁曰

黃華樓有記又廢天啓五年知縣仲嘉偕郡人陳

國鑰重建又建亭於半山中僉事張秉文扁其亭

曰觀止甌寧知縣楊肇泰於山麓建黃華書院戊子

俱燬

國朝康熙二十二年建安縣知縣張大典建真武廟

於山頂圍以土垣有記二十六年協鎮謝思禮以

郡城王山令軍士環山栽松入作半山亭以憩遊

者有碑記

馬鞍山在府城東北二里又名瑞峯狀如馬鞍府之



王山也宋淳熙中太守韓元吉以山低於客山乃植萬松於山麓有瑞峯寺今廢

鷄籠山在府城東北五里與馬鞍山聯屬竹木蒼鬱狀若鷄籠

白鶴山在府城東二里寰宇記云東晉時望氣者言山有異氣命鑿之朝鑿暮合已而有雙白鶴翔其上因名山之麓有東嶽行宮中有靈湧泉時有疾者飲之愈又有聖母池山下有明贈少傅楊逢卿墓其孫榮築讀書室於此山側扁曰白鶴山房有

### 記

響山在府城東五里穴洞枕於溪側人相呼若應焉天馬山在府城東北二里狀若奔馬山巔有峯高圓由東而分爲白鶴山西爲大黃華山自西而來突起圓隴以至府治之後與小黃華山接

鳳凰山形如翔鳳上有鳳凰泉一名龍焙泉又名御泉宋時上供茶取此水濯之蘇軾鳳味石硯銘云北苑龍焙山如翔鳳下飲之狀當其味有石蒼黑堅緻如玉太原王頤以爲硯字名之曰鳳味卽此



是也

龍山狀如龍蟠與鳳凰山對峙左有龍鳳池紅雲島

御茶亭

已上俱  
吉苑里

象山在府城東南三里山形肖象其鼻迴轉抱水

泓冬夏不涸名白象捲湖

滾坑山在府城南鐵獅峯下相傳王延政據建時有

蛟滾山成坑因名

梨山奇秀峭拔為近城諸山之最山頂雲起輒雨遠

近候之以下陰晴唐刺史李頻雅好此山每公暇

輒往登覽既卒郡人立祠祀之有臨清閣映山樓

玻璃亭

壑源山在鳳凰山南高百丈所產茶為外焙冠輿地

廣記壑源茶即此

曹高山上有曹聖者茶場

鷄足山上有三峯狀如鷄足下有報恩院又名臥雲

菴

三門山偽閩王延政據建時嘗於此山置柵防守故

名



龍池山相傳有龍居山頂池中遇旱以物觸之甘雨  
立至

屏風山羣峯聯屬拱揖左右中一峯壁立空翠若屏  
故名

隊羊山在府城西連岡接隴而下形如隊羊故名已

俱將相里

東山在府城東北二十里一名蘇口山郡人御史滕  
祐嘗築草堂於山麓

金盤山在蘇口山勢寬平如盤故名已上俱建寧里

虎頭巖山山多奇石狀類不一前聳一峯高大峭拔  
若虎首然上有馬仙菴禱雨輒應

涼傘山在虎頭巖側形如傘下有孤石高聳如人拱  
立俗又呼為石人山已上俱秦溪外里

八髻山俗傳有仙人過此山之上足迹隱隱猶存在

石里

雙髻山又名筆架山在安太里

辰山在東莨里洋坂建寧諸山之最高者其巔可望  
海日初出處山有三峯曰逍遙曰飲坑曰牛頂又



有石若鼓擊之有聲又有牛心洞廣可丈許其深莫測中懸一石如牛心鄉人遇旱往洞中以紙擦石俟水滴乃盛以潔器迎出甘雨隨至然不誠不可得也下有蘆竹洞有蛟窟禱雨亦應

大富山在白塔龍津山不甚高而土脉膏潤因名元季思人楊達卿樂善好施值歲饑不欲有賑恤名乃託有於此山種木一株者予之斗粟貧者畢來請粟種木後木成林戒子孫勿售惟學校祠廟橋梁及養生送死之需用之里人德之因名萬木山

明太學士胡廣記見藝文

瑞峯山在白塔里人太師楊榮祖墓在焉建祠其下因名瑞峯寺

仙人山在璜溪山自郭巖發迹高聳而下至此平如仙人撒網形故名

邇山在璜溪之東相傳曹聖者嘗爲邑人雷氏擇此地葬祖下有曹山寺祀先之所

隊魚山羣山突出若隊魚狀

印山形方若印



鳳山形如飛鳳

虎山其形如虎

上俱在黃溪房村上里

銅場七峯在吉苑里七峯連屬中三峯竝馳比之諸

峯特異

百丈峯在登仙里世傳馬仙所居上有百丈巖巖畔

有雙龍泉歲旱禱雨輒應有寶蓋洞即馬仙飛昇

處

獬豸峯在房村下里以形似名俗傳里中仕宦者多

至風憲

黃樞峯在將相里地產黃樞峯下舊有三十六寺今

存者五石龜冷水威巖新安藥師數寺而已

黃龍峯在南材里有馬仙祠

靈地嶺相傳梅福修煉於此故名

蛟窟嶺相傳有蛟滾地成窟故名

天湖嶺嶺巔有水一泓故名

大雪嶺閩地暖惟此嶺雪積累日

曹巖嶺相傳曹聖者嘗棲息於此地產楊梅

丁坑嶺

已上俱房村上里



真武嶺在登仙里上有亭祀真武君故址

紅雲島在吉苑里鳳凰山下茶堂前宋咸平間丁謂

監茶事於堂前引二泉為龍鳳其中為島四面植

海棠晴光掩映如紅雲浮其上今池廢而島猶隱

隱可識

寒巖下有南澗發源於巖之上

定心巖在詹墩相傳有道人結屋於巖前修行終日

禪定故名

威禮巖相傳有道者建菴奉佛故名今廢

雲竹巖極高聳多松竹已上俱登仙里

龍興巖前有龍興觀

靈仙巖中有馬仙菴祈禱輒應

圭峯巖峭立如圭

石鼓巖上有石如鼓扣之有聲

瑞興巖左右嘗產芝

洋山巖巖前有田數頃一望平行

寶歷巖有菴奉魏仙今廢已上俱房村上里

伏獅巖在房村下里形肖伏獅下有潭俗呼為越王



潭

臥牛巖在東莨里形似臥牛下有竇可容數人

寶勝巖有飛瀑百丈

靈巖巖方而兩穴相叠有雲氣起則數日必雨已上俱川

石里

古雲巖在南材里宋侍郎袁樞立菴祀龔劉楊三聖

者鄉民有禱輒應

鶴峯巖其狀似鶴故名巖前兩山竝立俗呼為寒山

拾得山上有菴祀魏王籛鏗二仙旁有水一泓里

入病眼者汲而洗之即愈

三姑巖山形高峙如人立狀已上俱秦溪外里

冥陽洞在南材里洞深邃初入甚暗良久方明舊志

云即後漢宜新太守楊仲產所居之地

浮石洞在響山前蓋溪中小嶼水泛未嘗見其没人

以為與之俱浮相傳漢梅福煉丹響山其徒陳先

生者每竊食焉福怒拔劍逐之遂逃入洞中福曰

此吾丹之功也乃釋之故又名逃奴洞風月之夕

舟泊其濱者或聞水中笛聲



紫霞洲在府城中和坊宋淳熙間郡守韓元吉闢北園以增府治濬池導泉作亭臨之號紫霞洲蓋取幔亭紫霞褥之義內有玉仙池卽元吉所濬者其源出處州龍泉至烏龍巢口南注經月城僧舍穿城而入瀦爲大池蓋宋於此置豐國錢監引之以給鼓鑄之用紹興以後官冶停鑄水道弗修民多竊引以溉私植韓元吉趙善偉相繼修治之水仍入於池今遺迹尙存按通志謂故老相傳宋朱子嘗卜居於紫霞洲構亭於其左扁曰溪山一覽考之祝穆著方輿勝覽載紫溪洲竝未言朱子居此穆爲李表姪此無所載竊意朱子子在所構而相傳之謬也

東溪在府城政和門外發源於處州松源會松溪政和水而下至城東南遠而西合甌寧西溪之水爲一大溪南注延平抵福州入海按方輿勝覽謂建溪源出自武夷至城外卽今東溪或謂唐人詩雷霆入地建溪險卽此按東溪源出松源在府城東而發源武夷至城外者乃西溪也方輿勝覽以發



源武夷者為東溪誤矣且西溪有二源而獨謂之  
出武夷亦考之未審也

安泰溪源出福州府古田縣界

東游溪源出政和甌寧二縣界首經東游市入東溪

已上俱  
安太里

東安源溪在吉苑里源出甌寧縣界注東溪

川石滌溪在川石里源出政和縣界經蓬源至蓬口  
入東溪

順陽口溪在順陽里源出福州古田縣界

東坤口溪源出甌寧縣界經建寧里入東溪

橫谷溪源出甌寧縣界流注經建寧吉苑二里抵橫

谷舖下入東溪

已上俱  
建寧里

古老嶺溪在吉苑里源出法雲山下經石門嵐下至

古老嶺下入大溪

東長口溪源出古田縣界經長口入東溪

山溪源出古田縣界分流至千源會阪頭二水入東

溪

已上俱  
東長里

沙溪在將相里源在南材順陽二里經本里入於東



溪

普通溪在登仙里源出南鄉經本里入東溪

秦溪在秦溪外里源出古田縣界經本里遶南瓦口

入大溪

房村口溪在房村下里源出上里白塔經甌寧縣高

陽里大坵至葉墩橋下范墩入大溪

橫溪源出丁坑合九滌白塔大富四流經房村口入

大溪其溪環如佩璜故名又云唐雷鸞釣璜之所

桃源溪出桃巖會璜溪

起莘溪出九滌巖會璜溪

龍潭溪源出白雲巖會璜溪

上俱房村上里

南澗在登仙里寒巖下源出巖上下成小澗

北潭在府城內黃萃山前

蛟潭在吉苑里蕭子開記云昔有樵者見潭上浮槎

有金環如指大涉而取之遂罹其害卽此潭也

白塔潭在吉苑里潭側舊有白塔故名

越王潭在房村下里伏獅巖下相傳越王曾遊此

密黯灘在安泰里水勢洶湧能覆舟鄉人因立靈山



廟鎮之

書筒灘在川石里有石肖書筒故名俗傳羅隱云書

筒落水川石無官里人惑之遂廢學明少師楊榮

教諭賈暹俱有記辨其非後人知學復有仕宦者

一一記見  
藝文

梨灘在登仙里其灘甚險舟人往來憚之

鳳凰泉在吉苑里茶焙中泉甚清潔上供茶用此濯

之

水利

滌上陂

村尾陂

橋亭陂

石坑陂

平林陂

臺前陂

袁墩陂

白杜陂

橋頭陂

廟前陂

源挺頭陂

蘇源陂

張分陂

岐頭陂

張坑陂

大嶺前陂

小坊源頭陂

小坊陂

小坑陂

謝坑陂

復富尾陂

葉坑陂

赤嶺陂

鄭窠陂

寺前陂

高橋陂

龍焙下坑陂

大汾陂

陳汾陂

陳岸陂

陂頭水泔陂

溉田二百餘畝

官陂水泔陂

溉田二百五十畝



孤池水泝陂

溉田五十畝

東山下陂

溉田三十餘畝

水池塘

葉坑塘

後塘池塘

村頭池塘

孤池

已上陂塘三十  
九俱吉苑里

上焙陂

張墩陂

魏墩陂

後山陂

橋頭陂

李德陂

仰嶺陂

獅嶺面陂

寧坑陂

蘇口陂

澤源官圳陂

徐團陂

東完陂

石壁陂

戲壇陂

葉墩陂

溉田二十餘畝

南源陂

溉田一頃五十餘畝已  
上陂一十七俱建寧里

上村陂

赤岸上村陂

吳屯尾陂

菴後陂

溉田七畝

猪母橋陂

溉田六十餘畝

石嶺塔陂

溉田一頃八十餘畝已  
上陂六俱順陽里

祝波陂

墩尾陂

胡渚陂

上挺陂

張翅功陂

中分陂

大挺陂

官陂

溉田二頃

六十餘畝

交溪陂

溉田三十餘畝

鄭屯陂

溉田三十餘畝

上范陂

溉田五十五頃三十餘畝已  
上陂十一俱安泰里

九滌陂

高塚墓林前陂

盤坑陂

視前陂

陳坡陂

尤墩陂

苧溪陂

埂前陂

際尾陂

劇歷口陂

柱墩陂

莊前陂

西山陂

邱嶺溝陂

橫羅陂

龍門寺前陂



吳大源陂 黃嶺陂 蕭溪陂 雷坑陂

蕭溪廟前陂 雷墩前陂 馮坑陂 藥師坑陂

劉坊村尾陂 雷坑陂 劉坊村陂 樓前陂

峽裏陂 丁坑陂 西陂 溉田五百餘畝

尼山葫蘆口陂 溉田五頃三十餘畝已上

銅溪陂 安漿陂 山頭陂 山尾陂

游家場前陂 邱坑井陂 鳳溪陂 魯源陂

游家車欄坂陂 魏墩陂 黃墩前陂

范墩陂 游墩陂 陳陂 溉田一百餘畝

大坊陂 溉田一頃五十餘畝 游陂 溉田四十餘畝已上

大坑陂 搭棚坑陂 蕭家陂 大村陂

葉重興陂 季村陂 葉夫陂 曾頓陂 溉田二百餘畝

雙溪陂 溉田一十一頃五十餘畝 迺口亘濟陂 溉田五頃二十餘畝

已上陂一十俱秦溪內里 官陂 臺陂 林墩陂

陳源陂 葉墩陂 葉墩下陂 根口陂

飲井陂 翁墩陂 鐵場陂 張墩陂

際頭陂 雷公頭陂 已上陂十三俱南材里

游家墓下陂 上屯陂 麻歷坑陂 冷源坑陂



益源坑陂 邊石陂 五十陝陂 分尾陂

小溪陂 郭屯廟前陂 石林坂陂

賴石口陂 張源陂 大小際下陂

崩溪陂 溉田八百餘畝 益源陂 溉田八百餘畝

楮樹山大陂 溉田一千餘畝 春塘 上塘陂十八俱將相里

杉溪陂 東粵陂 烏石頭陂 箬歷坑陂

大挺場陂 黃源陂 黃富陂

上下二鄒坑陂 即今南富陂 東粵陂頭陂 溉田二百餘畝

小康村頭陂 溉田二百餘畝 中村塘 溉田八畝上陂塘二二俱秦溪外里

陂頭陂 羅坑陂 長柄陂 漿陂

呂墩陂 謝墩陂 小溪陂 溪坡陂

朱岸館尾陂 梧鼠陂 上瞿石倉陂

吳墩溪頭陂 高陂 百丈溪坑陂

坑源泉水陂 普通陂 中瞿陂

謝馬橋陂 即今駟馬橋陂 大百丈溪陂 溉田四十餘畝

伯通橋陂 溉田五十餘畝上陂二十俱登仙里 苦梯坑陂

余源坑陂 巡坑陂 烏石陂 前墩陂

葉墩陂 水東陂 角湖陂 下津陂



刀橫坑挺陂 劉坊陂 後山挺陂 陳墩陂

坡下陂 後殿陂 後田塘角陂

麻山下陂 游甍陂 西皇陂 石壁陂

下菴陂 下洋陂 甍尾陂 黃晏坑陂

麻州頭陂 桃源陂 赤山源陂 大官陂田

一十一頃 七十餘畝 松菟下陂 溉田七頃

非後鄭墩陂 溉田五 陂頭大陂 溉田七頃

大源陂 溉田四頃 塘谷陂 溉田四頃

僉源陂 溉田三頃四十餘畝上 連墩陂

前團陂 嶺根陂 范團陂 蠻前陂

張團挺陂 吳團陂 源口陂 重興院陂

莒坑裏陂 下源卓家陂 莒坑陂

石門陂 後坡陂 左溪陂 下陂

光坑陂 六嶺陂 土潭陂 鄭坑陂

蘆慈陂 石陂 黃塘源陂 溉田一頃

魚溪連屯陂 溉田二頃二十餘畝上

甌寧縣

鐵獅山在府城南三里許府治之對山也山巔有菴



菴傍有鐵鑄文殊獅子像術家謂府治來山若猛  
虎出林溪西諸山若隊羊然欲其不爲傷也乃於  
對山置鐵獅以鎮之宋宣和間移置開元寺未幾  
葉范二寇繼作且有虎渡河之異紹興間郡守劉  
子翼復還故處或云恐鐵獅下視城中乃卽舊治  
廳事及建安堂在下埋小獅二十四以明子母相  
顧之義明宏治間菴燬鐵獅因遺無存又云此山  
對郡學號文筆峯昔有僧菴其上鑄鐵塔於山巔  
郡人以其不利於科舉移置光孝寺次年遂有盧  
覺者中第故諺云城外打鐵塔城裏得盧覺自是  
科不乏人

國朝康熙七年有樵者忽得一獅頭載入郡中有司  
命復埋故處

紫芝山在鐵獅山右王審知據閩日其山產紫芝故  
名

雲際山在鐵獅山左自頂分崗而來下有永慶寺寺  
後有陸羽泉相傳唐陸羽所鑿然羽實未嘗到此  
宋楊億有陸羽何曾到之句



梅仙山在府城南二里舊志漢南昌尉梅福煉丹於此丹成驟鸞而去是日有甘露降又所乘馬及鞭自空而墜今山有甘露源墜馬洲驟鸞渡遺鞭岐皆因是得名山巔丹井壇竈遺迹俱存每秋陰虹光時現舊有亭曰招隱宋淳熙中太守韓元吉建堂其上榜曰梅仙山後廢嘉定間太守季訖復建又於山半創二亭曰驟鸞曰虹光歲久亦廢明永樂間都指揮侯鏞徐信建丹成閣彭氏捨田十餘畝後亦廢正德間邑人少卿楊亘復加修葺萬歷間郡守朱汝器同知梅守極復修山麓有丹井遺碑尚存云大漢甲子梅福立

昇山亦名朗山舊志云晉司馬工朗每登遊其所故名僞閩王氏僭築郊壇於此下有昇山寺

覆船山形如覆船吳永安中太守王蕃嘗築城山下

陳太康中刺史駱文廣亦嘗徙郡治於山之北

上俱

紫芝上

下坊

龍首山在府城西其勢若龍舉首故名又名萃源山舊志云昔有萃氏廬於此下有萃歆井俗傳萃歆



所鑿歆未必至此井雖早不竭宋郡守趙研愛其  
泉清甘建亭覆之立碑其傍今皆不存

天關地軸山下有天慶觀

慶成山下有慶成寺

黑窑坑山其下舊有窑上俱在府城西移忠坊外

天湖山在府城北北津岐下宋郡守趙研登此有美

景天湖呈六六之句蓋山有三十六景如雙虹泉

空翠亭紫芝菴之類其尤勝者也建炎兵燹俱廢

黑牛山上有黑石如臥牛狀邑人以為此邦之鎮云

北平山山南多石而北獨坦平故名

烏石山在萬石灘下多烏石故名

紅際山下有石仙床坪石峯森列

西巖際山有石壁高十餘丈上有亭祠馬岐二仙上俱

在慈惠里

高陽山在高陽里山極高峻先得朝陽故名

黃畬山在府城北五里上有唐京畿令謝彝甫祠

靈鷲山山半有亭藏仙骨一函相傳自武彝迎置今

猶存



鳳山形如飛鳳唐黃隱齋建菴其中

大雪山山極險峻石壁千仞飛泉如布下有二潭潭

側空洞常若風雷之聲相傳神龍所居早禱即應

東山大樂之水發源石壁峭拔潭踞其嶺登者必扳

緣方到

北山在官際之源南望雲際小竹諸峯隱隱如畫

大湖山去鳳山南二里許里人王正一隱居於此築

室曰歲寒廬

將軍旗鼓山上有四峯右峯如展旗左峯如鼓中二

峯雄峙如將軍故名俱在崇安里

龍陽山山勢雄偉接潁昌縣界

屏山橫障木口屹然如屏

斗槩山山方如斗而頂平故名

石塘山山巔三峯竝秀其麓有石蓄水一泓故名俱在吉

陽里

洋峯山屹然特出於衆山之中其頂平夷山半有仙

亭雨揚禱之輒應

壺山俗傳仙人壺公與費長房嘗遊此山山瞰大溪



石壁削立上鑄壺天寒冰玉屏六大字徑二尺許  
筆力遒勁蒼古舊有亭今廢邑人黃仲芳有壺山  
八景詩

東魯峽山其山中斷溪流其間

鷄籠頂山與洋峯山相對峙盤亘數里其巔狀如鷄  
籠

三峯山山有三峯中峯石壁上鑄洞天二字

蓬嶺山草木叢生如蓬故名

上俱在禾義里

八堂山在西鄉里高出羣山之表林木蒼翠其巔高

爽登覽者心神舒豁如在天堂然故名

禪巖山絕壁有巖穴唐時有僧無垢自雪峯山來坐

禪其中因名雨暘禱之輒應

小湖峽山以兩山夾峯而溪流其中

蔣峯山舊有蔣姓者居此下有蔣菴

上俱在禾吉里

塔嶺山古有石塔今不存

白石人山山多白石肖人形故名

上俱在禾供里

石鼓山有石如鼓扣之輒鳴

鳳山翔騫如鳳山麓有放生池日月池鳳眼泉雖大



早潦不涸不溢

筆峯山上有石洞祀魏虞楊三仙凡祈夢者報如響  
凌雪山多古松明李默建有書室

華陽山峭壁凌霄上有石門龍洞石鐘石鼓每早祈  
雨者擊鼓鳴鐘甘雨立至舊有寺觀今圯

雙峯山兩峯對峙上有龍井鄉民祈禱輒應

龜山在上洋鎮

國朝康熙二十五年知縣鄧其文建亭其上顏曰適  
觀有記

葛仙山山色青潤多修竹笋味甘脆

圓覺山僧元徹建菴於此悟道因名

雙鳳山形如翔鳳有甘泉湧出泉多穀貴少則賤

文峯山峭拔千仞尖削似筆遠而益秀

羣鳥山羣峯交轟東西環向如鳥

品字山三峯高立肖品字形

象鼻山形肖象鼻抱水一泓

赫靈山上有七臺勝槩祀神顯赫因名

金峯山峯銳如金因名

上俱在高陽里



高峯山在梅岐里郭巖之西其山連亘順昌甌寧二縣界層巒疊嶽千態萬狀其中峯挺然特秀高千餘丈登其巔者俯見東海如咫尺

大寶山延袤五六餘里峯巒起伏聯屬不絕下有天寶寺

斗峯山高有五六百餘丈形方如斗中有石鼓松蘿蓮花湖諸勝上有斗峯寺

大米山秀峯高聳又有小米山兩峯峻崦相傳有洞出米足供寺僧因鑿破遂絕

上俱在豐樂里

蓮花峯在慈惠里北津耆下形如蓮花故名

劍門峯在崇安里清溪中注東西兩峯對峙如劍

板巖峯在梅岐里其山如板峭峻因名

毛仙峯在紫溪里相傳毛黃二仙煉丹於此

西峯一名鷺峯在紫溪里層巒拔秀清風襲人暑月

亦寒半巖有洞前後有門相傳有二仙奔適里人

張氏子樵餘拱立旁窺仙咳以桃遂輕身羽化人

彌為張大仙巖上有碁枰迹穴內以手揆之若碁

子纍纍洞狹不可出



金峯在麻溪里明時立祠祀馬氏仙禱雨祈嗣者靈  
應

盧峯在麻溪里地隔大河界延邑風起浪湧水光接  
天宋儒朱熹榜曰道學心傳

巖丫嶺上有二高巖竝峙故名

秋竹嶺山產秋竹故名

橫歪嶺岡隴高低有路橫經其上

牛輓嶺嶺不甚高而形屈曲如牛輓然里人范孟八

於嶺畔創菴以憇行者

黃梅嶺下為平林多梅樹

黃源嶺與建陽縣接界嶺畔有泉黃色

巧溪嶺界甌寧順昌二縣間有溪發源嶺下  
上俱在吉陽里

樓梯嶺俯視大河斗削不可逼視

翠巖嶺高十五六里許經迴嶠後僅可一人行下臨

淡坑惴惴恐墜

黃塘嶺下樓梯嶺里許入黃塘往水吉小路

父母嶺峽水潺湲徑路崎嶇

楓嶺在外源前出小松



黃嶺在外源後出長溪

王恩嶺通建陽大道

大嶺去鳳山東南里許其下有水一泓明黃渠有大

嶺寒泉之咏

上俱在禾義里

定光巖在鐵獅山下深邃奇絕中祀定光佛

彌陀巖在鐵獅山下中有石室高深各丈許濶倍之

內有佛像曰彌陀因名

寶石巖在縣西萬石灘上又名寶國巖舊有寶國寺

今止有菴存焉

歸宗巖一名鬼子巖在府治北二十五里宜均溪口

宋淳熙間有曹道人卓菴居此菴由巖肩入上有

聽泉閣振衣堂洗心亭太虛廖廓亭紫雲堆補天

遺品石樓雲洞風洞落珠崖石心泉香爐峯巖洞

峭奇一壑萬狀

梅巖在北津渡口宋劉屏山先生書院有八景三十

六亭亭有記景有題明末兵燹無存

國朝康熙間重建僧人居焉景名亭扁存劉氏家乘

今附錄



片石臨軒 懸巖飛閣 屏山書幌 瀑布垂晴

石洞藏雲 湍流洗月 煙橫古渡 暮眺歸帆

上右  
八景

溪山一覽 武彝小景 山水不負人

天光雲影 一息亭 得箇中趣 情耽煙霞

常靜 一枝棲 枕月眠雲 長嘯傲

揆春秋消息 喜晴 同人一樂 更上一層

松底聽樵歌 獨醒 靜觀亭 叅天地心

悟我本來 別有天地 輕著屐 思入衆峯寒

秋光月占多 借隱 山水奇態 貌骨同幽

宜詩酒處 清光道俱 坐落山花 寄寒暄外

藏身處 鐘引雲還 鳥唱天機 六月猶寒

且看他人忙 上右  
扁字

屏峯巖與歸宗巖對峙

龍巖在萬石

雲頂巖在萬石

西巖舊名曹巖 上俱在  
慈惠里

白石巖石潔白撮土不附上有巨穴穴中有亭



徐將軍巖前後二巖極高廣傳有徐將軍駐兵於此  
黃巢入閩鄉民避巖中活千餘人

鼓峯巖在小松街祀馬氏真仙上俱在崇安里

擎天巖峯巒峭拔上薄雲霄巖之巔有菴祀祖聖者

宋謝枋得嘗遊於此有記

獅巖巖有巨石如獅形昔有道人姓李者構菴其上

今廢

北巖下有北巖寺宋政和陳朝老嘗讀書於此

雲巖昔有晉濟大師坐化其上鄉人祀之今雨暘禱

之輒應其頂有二石大者如獅者如鈴謂之獅

子鈴石巖之左有雪巖雙峯上俱在西鄉里

郭巖在梅岐里巖極高峻其巔可見建延二府地舊

傳漢郭仙居此因名巖北古有菴祀梅福岐公像

按舊志福為南昌尉上書不報隱於建之城南山

學術後遊武彝望郭巖有紫氣即往訪至則岐公

在焉因與同處後俱乘鶴上昇今其里號梅岐以

此菴前有梅仙雷頌石巖巖下有李偲墓墓側有

仙人迹馬蹄痕石相傳偲昇仙遺迹



黃巖一名紫雲里人黃麗泉卽其地建菴供碧天禪  
師在龍山金鷄洞叅禪夜半聞鷄而悟講經空中  
異香滿座月下行數百里有虎侍從往返須臾  
峙獅巖以形似名左有小洞右有天湖池上建小亭  
以奉岐梅二仙

馬大仙巖舊傳卽馬氏仙所居之地

石龍巖下有菴以祀馬仙歲旱禱之多應

躡雲巖上有佛菴并祀馬仙扁曰躡雲山路極峻峭

人必攀蘿捫石始可到

上俱在高陽里

栢香巖在禾義里之黃陂地多黃栢

斗回巖巖側有菴以奉梅仙病者飲其水輒愈

鳳巖山勢逶迤有如鳳翥之狀

草巖去鳳山三里許有金馬峯山半有寺

上俱在高陽里

壽雲巖在麻溪里之勝隆

古冲巖在高陽里峯巒峻削里人李默嘗讀書於此

僊枰巖在西鄉里三峯高聳頂有巨石如棋盤相傳

邑人童氏子因母足疾採藥至其頂見二叟以小

石對弈目童氏子而以五石子與之袖歸母疾隨



愈後五世孫生五子俱貴顯至今石子尙存

龍安崗在宜君山後地高峻俯視郡城祠蕭公太保  
玉清洞在城西移忠坊元妙觀前潭溪中按蕭子開  
記云昔有漁人彭姓者因捕魚入潭中見石室金  
字扁曰玉清洞升其庭有青衣者出曰此司命真  
君之府也

石橋洞在崇安里側有游聖者菴歲旱禱者歸未抵  
家雷雨隨至溪流漲湧陂堰多壞人號爲游破陂  
西峯洞在西鄉紫溪二里內可坐百人有鼎爐石上

五坎如碗形皆盛石髓寒氣逼人相傳九仙居之  
前有巨石如方座高三十餘丈上列石碁盤左右  
二石厨俗傳有錦鷄野羊分宿其內石壁如削人  
不能收

淮沙在府城西通濟門外之溪濱沙洲聚散不常又  
城南七星橋上下溪之中亦有沙洲相傳西爲淮  
頭南爲淮尾舊識云淮沙圓出狀元明洪武十七  
年沙聚而圓郡人丁顯狀元及第

萬安洲卽大伏洲在府城西北萬石灘下沙聚成洲



平衍寬廣溪流莫能吞嚙地極肥饒宜蔬居民利  
之西北為演武場

西溪在府城臨江通濟二門外源出崇安浦城及建  
陽諸溪之水會流於此經西南與建安東溪之水  
合流由延平至福州入於海

小松溪源出蓬嶺流至城北入大溪

宜君溪通慈惠里栗步口入西溪

上俱在崇安里

萬石溪在慈惠里源出淙下至本里入大溪

東魯溪源出西鄉里經東魯峽黃屯會小湖口水入

### 大溪

濠村小溪源出松溪大源山下注於清潭溪而入大

溪

上俱在禾義里

清潭溪源出浦城縣漁梁嶺至是為潭而下經禾義  
里入大溪

陳溪小溪源出崇安南山嶺下注清潭溪舊溪側多

陳姓故名

上俱在禾供里

井窠葉墩溪源出建安上里白塔經房村入大溪

馬埂溪流流出九龍巖經馬鋪橋范屯會井窠溪過房



村入大溪

花橋下壩溪源出大武嶺會井窠過房村入大溪

南橋溪源出梅岐里平陽經東山會葉墩溪

蓮石溪在葉墩水尾有白石若蓮花上俱在高陽里

麻溪源發高陽之北自西而南合流樵水

盧峯溪濱大河界延邑乃麻溪之砥柱上俱在麻溪里

吉陽溪源出順昌縣界經葉坊入大溪

大雪山外小溪源出順昌縣界巧溪嶺下經豐樂里

入大溪

貫道橋小溪源出黃源嶺下經豐樂里入大溪

洞溪源出巖丫嶺下唐乾寧間溪岸有大桐樹出雲

氣里人恐其為怪伐而解有龍鳳文因製琴以進

故名一名作大夫橋小溪經豐樂入大溪

平溪在大樂北上有小橋溪水自東山至小夫合溪

頭過吉陽通大溪

躍鱗溪源出郭巖之麓溪有石龜水自平溪背遶鳳

山而去

興賢橋小溪源出斗槩山下入大溪上俱在吉陽里



玉溪在西鄉里夏邨源出里之竹溪經禾義里之蓬  
陂經小湖入大溪宋時溪常有妖作巨浪里人知  
府童志賢以玉尺投之妖遂息名曰玉溪

龍村溪溪有巨石有龍磨角痕舊爲雷所裂窮溪之

源有飛瀑由石巖下注長數十丈淙下有龍井傍

有龍王祠遇旱以錢投之輒雨

上俱在西鄉里

大寶山前小溪在豐樂里源出石源經慈惠里徐墩  
入大溪

交溪爲浦崇建諸水之會至西溪合流入海

上俱豐樂里

紫溪源出谷澗怒石嶙峋後杼莫濟涯流章墩白沙

橋下與大溪會

紫溪里

清潭在禾吉里卽舊水吉里潭水極清傍有渡通浦  
城縣界

三山潭在禾義里三山之麓潭底有大小數石穴深

如屋魚鼈多藏其中人呼爲魚屋

佛母潭在慈惠里與宋家潭相近舊有巨魚出沒其  
澗人以爲神物

石門潭在高陽里葉墩水尾有石若門



萬石灘在慈惠里萬石溪口灘水迅急亂石錯布因名

青銅灘在豐樂里葉坊驛下水勢奔急如發箭舟楫往來無不憚怖

七里灘在禾義里三峯山之前發源於大湖灘有七里許清徹可通小艇

五曲滌在高陽里進歷水尾溪有委折之勝水有泡瀑之奇

小湖峽在禾供里源出浦城有魚滌雙門磨礮之險鼓石泉在吉陽里其石如鼓狀一夕有異人運錐鑿之泉湧出歲旱不竭

水利

曹墩陂 溉田二百餘畝

陳田陂 溉田一百餘畝

黃墩陂 溉田一百二十畝

余墩陂 溉田二百七十餘畝 上陂四俱慈惠里

錢墩古陂 溉田三頃有奇在梅岐里

黃竹壠陂 溉田一百餘畝 在麻溪里

玉陂 溉田一萬餘畝

峽頭陂 溉田三千餘畝

嶺下墩 溉田二頃

程墩官陂 溉田五頃七十畝 上陂四俱禾義里

烏石陂 溉田二千餘畝

南山陂 溉田一萬七千餘畝



翁陂 溉田五百餘畝

楮澣街尾前陂 溉田二百餘畝

四俱在禾吉里

塘仔陂 溉田七十餘畝

橫山鋪前陂 溉田二十五畝

埂頭陂 溉田一頃五十餘畝

黃墩陂 溉田二百餘畝

東江石壁巖陂 溉田三百三十餘畝

上陂二俱在紫溪里

橫坑陂 溉田八十餘畝

頭陂 溉田六十餘畝

前嵐路下陂 溉田二百一十三畝

大歷石壁陂 溉田三十畝

滌上角巖陂 溉田二十八畝

上乾溪陂 上陂八俱在內鄉里

小夫陂 溉田八十餘畝

張墩巷口陂 溉田四百餘畝

交溪陂 溉田二百五十餘畝

### 建陽縣

太平山在縣治北崇太里峯巒秀偉峭拔萬仞縣之

主山也

翠屏山一名羅漢山在二桂里為考亭書院對山

東山雄壯秀麗中一峯高出羣山名妙高峯

橫山與妙高峯聯屬乃儒學樂山錦江之下關縣治

之左翼也

勒馬山在縣治南隅其勢自西來東顧形如勒馬下

有伏洲古識云睡龍驚馬出公卿睡龍謂伏洲驚



馬卽此山也又云山之足有溪田水推去出狀元  
後洲田爲水所推邑人丁顯登洪武乙丑狀元及  
第人以其爲應

東觀山在橫山後拖帶而南爲縣治下關山麓舊有  
東觀今廢黃端公避五季亂卜居此山

大潭山在縣治內舊志越王築城其上以拒漢史稱  
吳王六千戶屯大潭卽此山也山形蟠屈亦名臥  
牛山重九日邑人多修龍山故事載酒登臨其上  
云

寶山在縣治南崇岡複障林木葱鬱梵宇亦甚宏麗  
人稱寶山勝境

獅子山在西部外里許橫亘奔騰巖石嵌插狀如猊  
獅爲縣治右翼

菴山在縣南均亭里甌寧建陽二縣間高聳萬仞雲  
生頂卽雨土人以此爲驗舊志云後唐明宗時有  
處士姓石名湖者結菴其上因名今山麓有雲濟  
廟神卽石氏也其像乃就山石刻成山北又有石  
號獅子巖巖有靈泉旱不涸潦不盈病者飲之多



愈南峯有石平整號龍壇壇上疊石爲龕中藏仙骨

硯山一名夫子案山在樂田里山之西有石端平如案上有二處微黑阼阼若硯狀又有方石傍立號書厨相傳漢時華子期師角里先生於此疑謂夫子者卽子期也

三峯山在書坊之前

高仰山山之巔若仰掌然

龍湖山又名湖峯山上有古菴石門柴扉映帶前後

又有雙井

鐵帽山嵯峨千仞山頂圓聳如鐵帽故名

蒼峯山一名龜嶺蒼翠摩空上有菴祀龔劉楊聖者

雨暘祈禱輒應已上俱崇化里

童子山舊傳宋紹興間重修拱辰橋落成之日有童子七人遊戲其上尋飛昇山頂故名

鳳凰山形如鳳翔上有瑞相菴已上俱同由里

雙牛山在仁德里背遶高峯若雙牛接舞故名山麓爲董巖菴



欄杆山在崇文里與武夷山相聯屬山半有石室可容五六十人古木周列如欄杆然

九峯山九峯聯峙宋有異人語朱熹曰龍居後塘其先生歸藏之所乎後熹卒葬于此

武仙山山巔有石筍峯高百餘丈舊傳昔有仙人武裝跨馬于上今遺迹尙存溪可丈許石筍之北又有壘石如樓臺狀

七虛深山秀拔冠羣山登其巔者非捫石攀蘿不能至明永樂間大水山之源推出一石寬平可坐五

六十人

已上俱嘉禾里

焦源山在仁德里岌業峭拔登者曲折五里始造廣林記載此山爲第三十一福地舊志云晉尹真人煉丹于此

白塔山山巔有石特立層分黑白如塔狀相傳嘗夜火明其上故又云天燈山下有雲巖洞洞口有試心石下有碁盤石相傳唐時有三女煉丹于此仙去今龍濟院所祀卽此三女也

公裳山山色青潤巍然峙立遠望若人著公服然



廌山山形如豸下有廌山書院

已上俱禾平里

五龍山在崇太里山五脉分峙中有小山如五龍捧

珠狀

岱障山峭壁高聳如屏嶂巔有靈泉

瑤峯山上有三濟大師菴

已上俱禾忠里

鶴峯山宋時常有仙人跨鶴于山巔故名

鼓角山三峯鼎峙形如鼓角上有龍池

已上俱三衢里

蟬山峯巒蹲踞一方進士丁慈祖葬其麓

集公山舊名石壁山宋江側嘗結屋讀書于此忽有

梧葉墜梁下書集公山三字側笑曰此何義俄復

墜一葉書曰集諸賢于此後側與羣弟相繼登科

如葉子洽游酢施述其尤顯者有小齋題名石刻

今不存

龜山高聳百餘丈山頂有石如龜狀宋江灝范元覲

讀書于此夢山神云江君當有官職澤流後裔范

君名雖成未免于難後元覲登科竟殞于兵灝歷

守三郡享有壽考子孫登科世祿悉如神言

已上俱北

洛里



時山高五百餘丈經十二曲折始造其巔舊志云唐末有虎啣一小佛像置其上天降甘露雙松連理有宋道人者構菴居焉山陽小山羣列堪輿家謂之羅漢出洞形

九臺山層巒疊嶂如臺閣狀縣之水口山也山麓有九臺菴

蓮臺山羣峯環立中一小山突然如蓮葉狀山麓有井水甚清冽能愈人眼疾上有蓮臺水月菴已上俱均

亭

雲谷山在崇太里廬峯之巔翠巒環繞內寬外密地氣高寒上多飛雲登者緣崖攀葛崎嶇數里始到其上宋朱熹喜其幽邃號曰雲谷構草堂於中扁曰晦菴為講道之所有記

赫曦臺山在雲谷東四圍皆剝削絕頂平坦雲濤彩翠昏日萬狀朱熹嘗遊此命以今名元熊禾有四景詩

西山與雲谷對峙四面壁立山頂平曠宋蔡元定嘗結廬與朱熹講道其中理宗御書西山二大字刻



于山之西南崖至今存焉山頂有石門蓋昔人嘗  
 卽此爲寨以避兵云宋朱熹觀西山懷獄麓賦風  
 月平生意江湖自在身年華俱轉徙眼界得清新  
 試問西山雨何如湘水春悠然一長嘯妙絕特無  
 倫已上俱崇太里  
 黃楊山在興賢下里峯巒雄踞一方內有菴宋朱熹  
 題扁傳云扁字夜時起光僧以爲怪以金飾之光  
 不復起矣扁尙存

洪山在興賢下里山下洪灘在焉

葛源仙山在興賢中里巔有方石如棋盤相傳元延  
 祐中有樵者葛蘭翁遇二叟於此弈棋觀之一叟  
 曰子盍歸乎言旣不知所之抵家已三載矣  
 象巖山在麻沙鎮北昔蔡季通讀書之所今爲祠以  
 形類象故名

大同山雄峙千餘丈上有瀑泉宋朱熹葬長子朱塾  
 於山之麓

畫山峯巒峭翠如畫因名已上俱崇政里

崑山在建忠里高百餘丈山上可數十畝鄉人種瓜



形長如枕

玉田峯一名美女山在興賢上里宋魏挾之居址在焉峯下有龜山舊有寺宋陳軒讀書其中及第後重遊有山樹似添新喜色之句

狀元峯爲舊學對山相傳原山卑陷積土加培數千仞峯成丁顯臚唱故名

玉枕峯在考亭書院後自雲谷山行勢迢遞過佛嶺至考亭高峻橫亘形如玉枕故名

蓮源峯在洛田里宋暨存具變其山水清秀面勢盤礴建菴于峯之麓扁曰如是

合掌峯在崇化里極西山足跨邵武順昌二邑峯巒尖秀特異

黃連峯在大同山之左

松崗上多松樹風撼之有波濤聲

在永忠里

天湖巖上有井水清而瑩四時不竭因名天湖

白水巖上有飛流百丈

在興賢里

獅子巖在興賢上里凌雲寺後山頂有石嘴懸出類獅子狀故名



仙巖 泉巖 俱在興賢中里

油巖在考亭上五里許上有菴舊傳巖中出油足一

日之用以供佛燈食僧鑿之油遂不出

寶蓮巖在建忠里百丈山後剝削數百丈

白塔巖在武夷山之陽白石層疊如塔

烏石在縣治後街巷名烏石本此

印石在永寧門外大溪中端方如印浮水面上

浮石在長湍舖對面長二百餘丈故老相傳古時此

石遇水漲望之如故因以浮石名之

巖嶺石在三桂里其狀如屋高三二百餘丈可攀緣而

登

仙架石石方三四丈厚五尺平整如截下有二小石

架之中虛可容數十人相傳唐時有異人架此為

遊息之所每風雨驟作聞石有鼓聲後名其里曰

唐石

笏石去唐石數武長五尺餘端立如笏然

龍石石壁上有龍形當脊脇間有紋如火燄長二百

餘丈非鑄非鑿渾然天成 上俱嘉禾里



仁義石在崇泰里二石對立里人名其左曰仁右曰義歲時祀之

床石在崇政里溪澗中平坦如床故名

飛來石在禾平里白塔山龍濟院前俗傳唐貞觀六年有石自空飛來倚于樹傍明洪武二十四年又有一石飛至因名

白雲洞在西郭外今爲各家園圃

天機洞在水東潭之澔澔不可測

雲巖洞在白塔山

龍洞在興賢上里獅子巖下有洞洞中有物如泥鰍四足號曰小龍歲旱迎致一二卽雨俗名曰龍井上有龍王亭

桃源洞在三桂里四面皆山由小徑入百步許舊有小菴植桃種竹前後映帶俗呼今名洞口有井泉列而甘

寶蓋洲在崇文里舊志云僞閩王審知于此築城建寨爲一叛將所據旣而事敗以所竊寶蓋棄溪中後溪復爲洲入夜或有光發人以爲寶光云



米洲在東山觀前俗傳洲之沙高與路平則米賤低則貴因名

油洲去考亭四十里即瀛洲也上俱三桂里

龍舌洲在考亭溪中沙汀湧現如龍舌狀宋立社壇

于上朱熹號滄洲即此

蓮湖在永忠里多產蓮

贅湖在崇化里乃溪之別派因以贅名

大湖朱熹母祝氏葬于湖之陽

交溪在縣東南東山下其源有二一出嘉禾里毛虛深

經崇泰里而下一出崇安縣分水關合武夷九曲之水而下交注于此為一大溪

雙溪在水南朝天橋下源出嘉禾里達于考亭至此分為二支會于交溪永樂十四年洪水右支淤塞

芹溪在樂田里源自硯山而下盤流九曲注于交溪潺湲清澈事林廣記謂其為第三十一福地宋朱

熹有芹溪九曲詩

考亭溪在考亭書院前源自麻沙莒口二水合流至是灣環五里無灘瀨



化龍橋溪源去鼇峯山

莒口溪源出蒼山仰山

龍門橋溪源出雲谷西山

馬伏溪源出大同山

吳整溪源出埧頭鑑源

錦溪合劉源芝坑二水注于大溪古有錦工嘗于此

濯錦故名明永樂間洪水壅塞景泰中知縣龍韜

始濬之

油溪源出油嶺

上俱同由里

武溪在嘉禾里源出毛虛滌經崇太里

南溪在興賢上里環流達于長湍

玉溪在興賢中里源出陳源達于長湍溪嘗有怪陳

勝以玉環投之遂息因名

徐墩溪在興賢下里源出五峯山至此始通舟

河船溪在仁德里俗傳溪心有古槎自往來鄉人於

此立靈槎廟故址尚存

長平溪在和平里源出毛虛滌達於交溪

將溪一名土溪在均亭里水出菴山達于洪灘



洪灘在興賢下里洪山之足水漲則波騰水落則石  
陡亦灘之險也

潮灘在崇泰里馬伏街尾相傳劉文簡公生時其灘  
子午有潮至今名其里爲潮灘下云

鄭灘在三桂里洶湧如轟雷

樟槎灘在均亭里蓮臺山下頑石森列中僅容舟灘  
之最險

走馬灘在崇文里湍急如走馬

螺子灘在仁德里灘多拳石如螺

九石潭在縣東上列九石故名

木東潭一名浮橋潭在東山觀前深不可測相傳潭  
之澔有天機洞今莫詳其所在

龍潭在樂田里相傳昔有二龍潛其中忽一日見夢  
于里人邱姓者曰此處人多衆今辭去翌日陰雲  
四合有二龍飛昇而去

洗馬窟在朝天橋下沙洲中邑人洗馬於此

龍池在鼓角山上相傳唐時一日雷雨晦冥有雙龍  
墜池須臾大水瀰漫鄉人恐懼禳之始退事聞命



立觀祀之後改爲僧寺凡雨暘禱之輒應

湧泉在菴山絕頂

靈泉在均亭里獅子巖石罅有泉一穴甚微大旱不涸大雨不盈能愈疾病又有井在峯巔非捫石攀蘿不能達鄉人截竹引之以代汲

硯山泉在樂田里泉有七穴每穴一掬而盡既而復出但盈而不溢

龜山泉在樂田里泉出山腰細如一線

岱嶂山泉在永忠里泉出山頂清潔能療病宋紹興

一二年太守虞翔有疾取飲之即愈

匙澗泉在三桂里資化寺前圓穴屈曲流田畦如匙狀朱熹命以今名

水利

月陂 溉田三頃

谷陂 溉田一頃

黃陂 溉田二頃九十三畝與賢下永忠二里亦有黃陂與下溉田二百七十畝有奇永忠溉田

五頃五

寨陂 溉田一頃

油陂 溉田一十一頃五十三畝有奇上俱同由里

漳陂 溉田一十頃有奇

梁家陂 溉田五頃有奇



彭整陂

溉田三頃  
在崇仁里

官陂

溉田二頃四十  
在崇文里

龍尾陂

溉田一頃  
三畝

洪山陂

溉田四頃  
三畝

龍潭陂

溉田六頃  
一畝

橫溪陂

溉田一頃一十三  
畝上俱洛田里

千石陂

溉田六頃

清潭陂

溉田一十頃  
在建忠里

石崇陂

溉田七十二  
畝在三衢里

洋獅陂

溉田三頃三  
畝有奇

渚陂

溉田七十  
畝有奇

朱陂

溉田五頃四十二  
畝有奇上俱崇太里

白山陂

溉田六十  
畝有奇

溪仔陂

溉田三  
十四畝

永昌陂

溉田六十六  
畝有奇上俱崇政里

狀元陂

溉田六頃  
崇化里

范橋陂

溉田一頃  
七十畝

江陂

溉田一  
十六頃

晨頭陂

溉田一頃上  
俱永忠里

石棋陂

溉田二頃  
六十五畝

松頭陂

溉田一頃  
九十五畝

梟陂

溉田四頃  
八十五畝

村師陂

溉田二頃九十七  
畝有奇上俱禾平里

塘頭陂

溉田八畝  
二分五釐

三穴陂

溉田一十九畝  
有奇上俱嘉禾里

光後陂

溉田二頃二  
畝興賢上里

古陂

溉田五頃  
九畝有奇

陳陂

溉田六頃三十三  
畝有奇上俱興賢中里

蕭陂

溉田一頃八  
畝在興賢下里

建寧府志卷之四



...

...

...

...

五其刻

...

五刻

...

三六刻

...

林明刻

...

外更刻

...

具更刻

...



